


410.71
539

413.15
539

奉天錦州府錦縣鄉土志



歷史本境建置沿革

唐禹貢冀州之域

虞幽州地

夏因之

商孤竹國

周燕國地

秦屬遼東郡統遼西郡地

漢遼東無慮縣地屬幽州

東漢遼東屬國地並屬幽州郡

晉慕容氏置西樂郡

唐柳城縣城屬營州

遼置錦州屬永樂縣

金因之

元錦州屬大寧路

明設廣寧中左二屯衛城洪武二十四年指揮曹奉即舊城址修築週圍五里三百

二十步高二丈五尺成化十二年都指揮王錯增展南北四十五丈東西九十五丈弘

治十七年參將胡忠併城南關週圍六里二十三步形勢若盤俗謂之

盤城池週圍七里五百七十三步濶三丈五尺深一丈二尺城門四東曰寧遠南曰永安

西曰廣順北曰鎮北鍾鼓樓在中街東有關廂小城相附舊載三里一百六

十步高一丈五門三小南門小北門小東門其增修之年無考今城基已

毀惟小東門尚存餘二小門皆廢

本朝康熙元年以錦州為錦縣屬奉天府三年改隸廣寧府四年設錦州



府以錦縣為附郭縣

政績錄

元胡秉彝霸州人累官錦州知州先是州民不業耕織秉彝乃自編伊尹武侯耕田遺制及苗司農栽桑圖編行都部復於城東築濟民園種桑百餘畦聽民移植雖蔬菜菓蔬栽植有方小民效法衣食饒足元王居禮知錦州事勸農興學一以清心省事為本值歲凶發倉賑濟全活甚衆有訟田不決者以情理開喻之其人相讓而退

本朝

劉文亮

漢軍鑲黃旗人順治十五年襲父承義佐領仍駐錦州招民十八年錦州設府州縣康熙元年以孔允檜知錦州事縣民以文亮父子蒞茲土並有惠澤不忍他屬凡訴訟諸事猶仍控於文亮曰非劉青天不能決京兆尹徐繼燁以聞奉

旨以劉文亮帶佐領兼知錦縣而調孔允檜於開元文亮招民入籍皆為之度邑居給牛種課勤惰而勸助之時縣境多旗莊園占地文亮立民圈印冊正其畛界預杜侵奪故無畫併之患及戶口日增又創設義學擇民童之秀者延師教之邑之文風自此始振有上駟苑總管緝拏逃盜誤將沿邊一帶居民拘繫八關文亮兼程追至永平據理直爭各按印冊認回仍為良民至今父老猶能說其事

慶春

旗人咸豐間簡放錦州副都統公正無私兵民悅服光緒四年乙丑義州馬賊王達之亂樊文朗偵探不寔詐言賊已至五里營等處合城驚惶公曉諭軍民

持以鎮靜訖言頓息升任福州將軍督閩海關稅務一年任滿報効銀數萬兩
清風亮節天下稱之子繼恩官國子監助教升兵部員外郎會典館奏派清
文總校簡放紹興府知府經館中保留文軍機處存記專以道員用庚子
都門之變聯軍入城偕其妻焚死忠孝雙全大節令人起敬奉

旨加等議恤翰林院侍讀學士延清有詩歌詠其事

文吉

字式臨滿州京旗任台諫有聲抵錦州府後潔清自矢力絕苞苴每月凌
川書院課士衡校公允士林至今愛戴後升福建汀漳龍兵備道

高同善

字雨人河南汲縣人咸豐庚申會魁由戶部主事選奉天府治中權府篆時除
暴安良政聲卓著同治間署奉錦道大吏歷次保薦至與吉林長春府

知府李金鏞並稱良吏行諸奏牘升補昌圖府卒於任子欽舉人補

義州知州署安東縣丁艱回籍

周良卿

字雲峯貴州都勻人道光癸未科由翰林改官知縣道光甲辰乙巳年曾
任斯邑竇缺街市蕭條錢法滯塞較他邑尤甚公則因地制宜籌有
長策確見通融地面非行使憑帖不可但他行開使憑帖其資本之虛
實較難勘查惟當商當號若干資本易於查悉因令當商量本
開帖通融地面意美法良不惟當年街市頓然改觀即今歷年已久
逾覺通順錦邑錢法之周流活便竇賴公創其始整理地方莫此為最至
於振起文風慈惠黎庶種種善政不可枚舉

張廣

字次平順天寧河人由軍功保知縣於咸豐年任斯邑時東北邊地年荒米貴馬賊蜂起頭目如趙恒王達才寶善劉珠李鳳奎諸人各聚黨數百人不惟東北邊外鄉村黎民遭其塗炭而義州朝陽左近距錦邑僅數十里亦為賊佔據多日蹂躪不堪公則挑選丁壯百餘名親自教練日夜不輟其技勇無不可以一當十巡城稽查事必躬親賊探得實竟不敢一犯邊界合邑賴以保全而公積勞吐血實因斯役所致至其平素之愛民猶子聽訟虛心諸多善政筆難縷述

兵事錄

北燕馮跋攻後燕慕容寶於此遂滅寶而都焉後魏攻馮弘於此亦滅焉隋文帝封高寶甯於此唐攻高麗於此後唐莊宗與劉仁恭戰於此至宋宣和間契丹與金常戰於此及至大元又常與金戰攻於此

明崇禎十四年祖大壽守錦州我

太宗文皇帝命睿親王多尔袞肅親王豪格等攻錦州明總督洪承疇巡撫邱民仰率王樸唐通曹變蛟吳三桂白廣恩馬科王廷臣楊國柱八總兵軍十三萬馬四萬芻糧支一年承疇將芻糧留于甯遠杏山及塔山外之筆架岡而以兵六萬先進諸軍繼之騎兵環松山三面步兵據城北之乳峯岡兩山間立七營圍以長濠此崇德六年八月也

太宗聞之親率大軍由瀋陽晝夜兼程六日而至自山至海橫塹大路斷其杏山之餉并分兵散其塔山護餉之兵遂獲筆架岡積粟明兵既失餉道又不敢野戰遂撤其步兵七營背松山城而陣

太宗乃夜布諸軍於塔山杏山小凌河諸要隘邀其去路又兼兵守筆架岡之糧而親督大軍橫列以待次夜明兵皆潰入杏山上又遣精兵一伏高橋一

伏桑噶爾齋堡侯杏山軍出扼險掩殺王樸吳三桂等僅以身免張若麒匿
漁舟由海道遁還先後殲敵兵五萬三千有奇于是松山鉤援皆絕我軍
復掘外圍困之明年二月明松山副將夏承德送質子為內應我軍入城生擒
洪承疇祖大樂等邱民仰曹變蛟王廷臣等戰死縱祖大樂還錦州錦州
被圍一載亦降

耆舊錄

南北朝屈遵字子皮博學多譽名著當時歸魏太祖拜中書令出納王言兼

總文誥賜爵下蔡子

南北朝屈坦字長生遵之孫太宗時以破平涼功賜爵濟北公恭宗在東宮坦領太

子少傅內外稱平世祖委以大政車駕出征常居中留鎮

南北朝盧魯元寬和有雅度魏明元時以忠謹給侍東宮太武親愛之及即位以為

中書侍郎魯元益謹肅性多容納與人交掩過揚美太祖征赫連

昌親追入其城魯元隨以出有保護功遷太保錄尚書事卒贈襄城王

南北朝豆盧寧驍果善射魏永安中從破葛侯醜奴賜爵靈壽男又擒竇秦破稽

胡戰芒山皆有功進范陽郡公周保定四年卒初寧無子養弟永

恩子勣及生子讚親屬皆請讚為嗣寧曰兄弟之子猶子也終

不易時以此多之

南北朝豆盧勣字定東寧之姪嗣寧爵授左武伯中大夫自以經業未通請解職遊露

門學敎以本官就學武帝嗣位為渭川刺史甚有惠政

唐李楷洛本契丹渠帥中宗時累官左羽林大將軍封薊郡公吐蕃寇河源

楷洛擊走之初行謂人曰賊平吾不歸矣師還卒於道謚忠烈

唐李惠登為平盧軍裨將安祿山亂從董秦泛海畧定滄棣等州輕兵遠

闢賊不支戰輒北史 陣中以計得脫依來滇及李希烈反以

兵二千使屯隋州惠登挈州歸朝即拜隋州刺史居二十年興利去

害田關戶增人歌舞之節度史于頔上其績詔加御史大夫

唐李光弼

楷洛子嚴毅沈果有大畧善騎射襲父封天寶十四年弼為

郭子儀兵馬使破祿山於振武進圍雲中援馬邑十五年為河東

節度使敗史思明於嘉山復河北十餘郡以為北都留守肅宗至

德二年史思明引兵十萬寇太原弼麾下精兵皆赴朔方餘衆不

滿萬人弼乃帥士民於城外鑿堦作塹數十萬衆莫知所用及賊

攻城用以增壘城壞輒補月餘不下賊為梯衝土山以攻城弼為

地道以迎之近城輒陷又作火礮飛巨石一發即斃二十餘人賊死者

十二又遣人詐為約降而穿地道周賊營中營中地陷死者千

餘人賊亂乘之俘斬萬計會祿山死思明歸守范陽留蔡希

德圍太原弼出擊之斬首七萬加司空乾元二年思明入汴州弼

屯中澤登城望曰賊多而不整不足畏也今日尔輩望五旗而戰

及戰乃連颶其旗諸將齊進致死衆賊大潰上元元年二月

破安太清於懷州四月破思明於河陽十月擒太清寶應

元年拔許州代宗廣德元年賊攻陷浙東弼遣將討平之二

年卒諡武穆

唐李彙

光弼子有志操廉潔自矢元和初分徐州符離為宿州以光

弼有遺愛擢彙為刺史後遷涇原節度罷軍中謠出俸

錢贖將士質賣子還其家卒贈工部尚書

遼張

寶

四世同居道宗嘉之令其子為三班祇候明又有張寶者亦

四世同居

金劉慶祐有孝行明昌三年賜慶祐絹粟旌其門閭復其身

金李三錫字懷邦遼寧盜攻錦州人衆推三錫主兵事設機應變城賴以完入金攝臨海軍節度副使改知嚴州遷武勝軍節度使察廉第一除河北西路轉運使致仕三錫政事強明所至稱治世宗舊聞其名大定初起為北京路都轉運使制下而三錫已卒

金張九思字全行皇純初補行台省國書譯史遷亳州防禦使副劉仲

延受宋國歲貢於泗州往歲受貢每以幣物不精責使者私饋不貲至九思獨不肯受仲延從之私饋遂絕累遷工部尚書清約終身

元陳資壽任寧鄉縣元末兵燹之餘勦群寇輯遺黎歷官至昭毅

大將軍

元孫秀實性剛毅喜周人急里人王仲和常託秀實貸富人鈔二千錠貧不能償逃去數年其親思之成疾秀實饋薪米存問又為代償取券還其親復命奴賫金訪仲和使歸父子歡聚聞者莫不嗟美又李懷玉等貸秀實鈔數千餘錠度無以償盡還其券不復徵人咸義之事聞詔旌之

元劉廷讓至順初遇兵亂挈家走避追兵急至讓棄子抱弟扶母疾驅得免事聞旌之

明李慶官百戶四世同居慶年至百餘歲

明張寶四世同居

明王

春丙辰進士授翰林院檢討陞周府長史時宗室以巡撫勾稽廩祿聚衆往譟於門後因治兵備他盜宗室疑之皆挾兵自衛春啟王徧諭其故且止巡撫兵衆乃安有復菴詩集行世

明孫

磐

弘治丙辰進士初試政即上疏乞考察兩京科道官知陵川縣抑強豪恤孤寡尤殫心風聲編立社學集養正篇小四書養蒙大訓悉刊布之陞吏部主事上罷各鎮中官監軍疏時逆瑾專政深嫉之遂免官尋起河南按察司僉事值流賊猖獗資給軍餉鎧杖以至保障留都遇賊東殄磐之籌畫居多

明周遇吉

少有力善射後入行伍戰輒先登積功至京營游擊崇正九年都城被兵血戰有功進擢叅將明年冬討賊河南大捷十年破胡可受於浙川降其全部又守槐樹關賊明年與孫應元大破羅汝才又明年與黃得功追破賊於鳳陽又敗賊於青山壽張餘賊竄東平殲滅幾盡青山遂降屢加太子少保左都督十五年授山西總兵明年李自成陷甘將犯山西十七年遇吉令熊通防河會平陽守將陳尚智已遣使迎賊諷通降遇吉力籌戰備二月賊圍代州遇吉出兵殺賊無算會食盡援絕乃退保寧武關賊至大呼五日不降者屠其城遇吉四面發大炮殺賊萬人火藥且盡州圍轉急於是設伏城內出弱卒誘賊殺數千人賊用炮攻城圯而復完者再傷賊四驍將李自成懼欲退其將曰但用十攻番進蔑不勝矣自成然之前隊死後復進官軍

本朝

張鳳儀

力盡城陷遇吉巷戰馬蹶徒步跳蕩手格殺數十人身被無數傷竟為賊執大罵不屈賊懸竿射殺之夫人劉氏率婦女升屋射賊賊縱火閤家盡節謚武烈

字瑞梧生員順治初守廣信兵燹之後寔心撫循值貝勒開閩假道廣信鳳儀籌畫供應民力不煩戊子金聲恒叛圍贛鳳儀與處撫劉武元總鎮胡有陞竭力守禦數月糧匱有欲盡戮居民誓死固守者鳳儀作色曰王師攻城猶不可屠敵民况守城而屠我民乎處撫是其說未幾援至一郡獲全

白秉貞

字懿生由貢生於順治丁亥年佐黃郡斷事明決御物慈祥一郡質訟之事咸願歸之東山盜起總督羅秀錦委秉貞率民兵攻之秉貞詳請勸撫兼施凡四閱月四十八若悉平

趙

汲

字學光順治五年由貢生初任盧龍令廉明仁厚前令修學未竣汲慨然自任重修明倫堂櫺星防及門廊齋舍皆繼成之時部檄召買芻豆赴三屯備行幸羽書旁午民間供應不及汲乃給值鋪商以所收米豆僱運不擾民而公事立濟八年陞泰州知州擒大盜游三游四等民賴以安疏於河修學宮設藥廠代貧民完漕欠州被水災力請奏聞得蒙蠲恤

劉德

健

字子恒由舉人任西隆知州廉能有威惠後從征土苗委辦軍需緩急無誤既積勞復染瘴癘遂卒於軍事聞優

恤給歸觀銀五百兩

王應奎 康熙十四年知南豐縣時耿逆叛閩山寇響應奎率家衆與鎮兵分守縣城及城陷應奎死之贈按察使簽事

尹文端 公諱繼善字元長滿洲廂黃旗人舉順天鄉試雍正元年成進士選庶吉士授編修尋遷侍講明年授內閣侍讀學士協理江南河務署江蘇巡撫漕政抗弊公奏衛丁州縣費各有需嗣後請米一石收費六分先給官丁使無不足然後一裁以法又奏平糶盈餘非公家之利應存縣庫社穀聽民樂輸不得隨漕勒徵又奏水師營而增沙船巡海皆從之七年署河道總督九年署兩江總督十年調雲貴廣西總督時思茅土弁刁興國等滋事公調總兵楊國華董芳等協勦賊潰遁我軍遣謀入賊寨舉火夾攻斬賊首三賊党百餘生擒六十九復奏由東西兩路出兵攻破賊柵十五寨降夷民八十餘寨十二年奏貴州新闢苗疆事宜八則從之又奏雲南濬上黃河工竣計七百四十餘里得 旨嘉獎十三年奏貴州頑苗聚衆倡亂已調兵進勦收復新舊黃平二成獲賊首羅萬象等復合兩廣湖南兵破逆巢數十斬首千餘生擒賊首阿九清等乾隆二年公專督雲南奏豁雲南軍丁銀萬二千二百兩允之五年授川陝總督會郭羅克番滋事公檄諭番目擒獻逆首番衆懾服公年纔三十餘遇事鏡燭犀剖八面瑩澈常一月間兼攝將軍提督巡撫河漕益政上下兩江學政等官九印標列簿書填委而公判決慨然無留牘猶與諸

生論文課詩聞者駭服十三年疏言上江鳳潁泗三屬頻遭水患
見在河渠次第開濬而田間水道圩塍寔與水利相表裏
宜陸續興修於水利善後之圖多所裨益手詔曰此誠務
本之謀也其寔力為之十四年 命公專督陝甘尋 詔公與內
大臣參贊軍務晉太子太保十六年復調兩江明年以上江頻
被水患請疏濬宿泗虹靈壁等州縣支河 詔諭所請湖
北羅田奸民馬朝柱聚眾於天堂寨圖不軌界連江南公檄
鎮將搜捕並親往擒獲朝柱家屬党羽甚眾得 旨嘉
獎十九年授河南總督疏言銅沛河道多紆曲淤成大灘宜挑
直開浚 詔如議行八月署兩江總督兼署江蘇巡撫請於
兩湖江西各撥米十萬石運江蘇平糶許之二十年授兩江總
督 命紫禁城騎馬三十年 詔入閣兼管兵部事務充經筵
講官三十年典會試先一年降 旨異數也三十六年 上東巡命留
京辦事尋卒 優詔加贈太保入祀賢良祠公凡一督雲貴
三督川陝四督兩江而在江尤久前後三十餘年民相與父馴子
伏每聞公來老幼奔呼相賀凡盤錯事他大臣能子者不命
公既命公則皆棋危柁險萬口噤聲人方慮公無下手處
而公徐紓料量如置器平地無不妥貼其才器如此父諱泰
官祭酒雍正間 詔為工部侍郎累遷東閣大學士子諱
慶桂字樹齋由任子授員外郎充軍機章京尋擢內閣學
士乾隆三十六年充軍機大臣逾年授伊犁參贊大臣四十二
年授吏部左侍郎四十七年授 盛京將軍尋調吉林前

後奏獲私挖葑犯六百餘名葑二百兩上嘉之四十九年調福州

將軍入覲擢工部尚書仍直軍機旋調兵部兼都統充經筵

講官五十年署黑龍江將軍五十年 詔補兵部尚書五十

七年秋廓爾額平上以慶桂在軍機處夙夜宣勞 命列

十五功臣內圖形紫光閣嘉慶三年 命同劉墉往山

東齊河勘獄四年晉文淵閣大學士十四年晉太子太師十七

年晉太保以老乞休二十年薨謚文恪其子同德孫培成皆官

至侍郎

王

瑞本邑大族世居城北三里山其先世廣行善事年年放米施粥周

流窮民至子朝連孫鐸尤奉行不怠子孫繁行讀書務農

鄉里稱為善人王家

楊宗

程弟宗灝宗頤三人孝友性成家庭和順藹藹怡怡宗程道光

乙酉拔貢壬辰舉人由教習官河南密縣魯山縣知縣宗

灝邑庠生宗頤庚子舉人壬戌大挑一等河南知縣後升

許州直隸州知州著有政績閭里稱之

陸

治本縣歲貢敦品勵學生平澹於榮利乾隆丙辰翰林名儀

者為其族祖子鳴桂邑廩生學品端方士林景仰

王

自鎔字錦堂道光己亥舉人學品兼優詞章擅長尤工制藝

有戒吃鴉片菸歌節短韻長一時傳誦從游數十人多有

登仕版者每逢郡縣考試有滿城桃李之譽累上春闈

屢薦不售

劉逢

吉

字枚臣道光甲辰舉人咸豐癸未大挑二等選某縣教諭

乾隆甲辰進士河南彰德府知府名德成為其高伯祖父集

謨兄逢源附生弟逢春孝友性成順事父母兄弟怡怡人言

無間安貧樂道士林景仰

李逢源

字問渠道光乙酉拔貢咸豐乙卯舉人舉孝廉方正制科同

治乙丑進士即用知縣籤分直隸補玉田縣奉 特旨調清苑

縣經曾文正公明保其考語註云該令篤實不欺公事諳

練方正而不失之拘任清苑時不務赫赫之名事上接下以誠

心將之後升深州直隸州在任五年乞病回籍

李賡

雲字蘭樵咸豐己未舉人同治壬戌進士即用知縣籤分直隸改分

順天初任順義縣到任未久顯聲大起受知於卞頌臣制軍時

官大京兆調寧河縣升順天南路廳同知母老告歸在籍十餘年

地方利弊一經當道諮詢侃侃直言毫無隱諱張任革除差

役拿車曾任籌設公議固本兩局保衛地方悉公贊助之力

尚多至於慷慨好施周助親故又其餘事云

名宦祠二人

朱文瑞公

諱軾江西高安人進士康熙五十四年任奉天府府尹

呂履恒

字坦庵河南新安人進士康熙五十年任奉天府府丞

鄉賢祠一人

醫閭先生賀欽

事蹟皆載

國朝先正士畧

節

烈祠

壽婦附

元蕭某妻趙氏年二十夫蕭病劇謂趙曰我死汝少奈何趙曰脫有不諱妾不獨

生遂命匠製巨棺夫歿即自縊家人同棺葬焉

明周遇吉

妻劉氏遇吉任山西總兵時流寇犯甯武關遇吉力戰死劉氏

素勇健聞難率婦女數十人據山顛公解登屋而射賊不敢逼縱

火焚之闔家遇害

本朝

才改姐武舉才柱才之女年十七歲父他出豪鄰張八將強污之女見傷不從

得脫即自縊雍正六年 旌表

鄭士鐸妻王氏士鐸字春卿咸豐己未舉人孝友性成品端學粹同治辛未

大挑二等選直隸元城教諭繼配王氏年二十一歲士鐸在任病

故王氏七日絕食而死

蔡如春妻齊氏年二十歲夫亡殉節

王鎖陽

王柏齡之女光緒庚子年票匪知此女國色將女父綁打令獻

其女女知詣賊所言釋父即從命賊釋其父鎖陽吞鴉片死

韓儒貴妻邱氏壽至百歲 雍正二年 勅賜壽坊

人類

本境惟旗漢四戶其餘各種皆無

風俗淳樸民情好訟

戶口

旗

戶

一萬零八十三

男口二萬二千二百零九

女口一萬八千二百零五

漢

戶

五萬七千二百七十六

男口十一萬零三百零五

女口十一萬零五百零三

學齡兒童

男口二萬二千七百

女口一萬八千九百

氏族

金氏其姓出於高麗散處復州蓋州易州等地方國初從征有功內務府漢軍廂黃旗人錫蕃同治乙丑進士補福建晉江知縣曾祖成華乾隆庚午舉人歷任胡南安化芷江湘潭等縣知縣曾祖朝覲嘉慶辛未進士四川慶縣知縣豫科乾隆癸卯舉人任四川清溪西昌知縣王麟道光戊戌進士任陝西澄城渭南知縣同治間回匪之變殉難從祀陝西三忠祠溯自始祖有成遷居本境至錫蕃已歷八世支分派別科第不絕人丁不下千口歸屬各州縣從前領官地膺莊缺者係其本家居多

郭氏太原郡周文王弟虢叔封於虢或曰郭公因以為氏錫銘內務府漢軍廂黃旗人咸豐乙卯舉人同治壬戌大桃知縣補吉林五常廳同知自順治七年始遷祖友良至錫銘已歷九世原籍山東登州府黃縣太始祖純宣當國初孔有德在山東帶兵時捐糧助餉事載錦州王家屯墓碑宗支蕃衍子孫衆盛人丁約二二百口

鄭氏滎陽郡周厲王少子支封鄭其後子孫播遷遂以國為氏民籍名廷柱光緒己丑舉人其始祖唐興自明永樂二年由定州中山野雀窩遷居直隸豐潤縣二世三世無考四世祖集勅封資政大夫五世祖平仕勅封資政大夫六世祖得秋勅封通議大夫七世祖宗成勅封承德郎宗龍誥贈漢軍統大司馬八世祖貴純筆帖式任肅寧州知州迨十世祖元亨兄弟五十人當康熙初年元亨獨遷居本境至廷柱已歷七世自廷柱以下又延三世世以耕讀為業其高祖蘭庠生父士衡貢生叔父士鐸咸豐己未舉人其兄弟姪輩貢生二增生一庠生二武庠生一宗支蕃衍子孫衆多現今人丁幾二百口

朱姓沛國郡顓頊之裔周封曹挾於邾後子孫避難去邑為朱民籍名

顯廷字子良光緒丙子進士現官都御史康熙初年其始祖震自浙江紹興遷居本境中康熙戊午舉人二世祖洪貢生三世祖枚雍正丁未朝通進士四世祖璋乾隆丙子舉人曾祖翹貢生族祖自裕優貢生自敏庠生自新嘉慶己丑進士自揚嘉慶癸酉拔貢伯祖父紹周紹程紹銘履謙履恒履升皆貢生紹孔道光乙酉拔貢履安咸豐乙卯舉人其兄弟乃恭同治戊辰進士乃恩貢生乃楨光緒乙酉拔貢炯廷武庠生贊廷光緒庚寅進士賡廷廩生姪篤慶光緒乙未進士重慶庠生宗支繁衍科第不絕現今人丁百餘口

宗教

佛教二百餘人

道教五十餘人

喇嘛黃教紅教共三十餘人 皆係寄居

回教約六百戶
男一千二百餘人
女一千二百餘人

天主教約五十戶
男一百餘人
女九十餘人

耶穌教約七十戶
男一百餘人
女三十餘人

實業

士七百餘人

農九萬零零三十餘人

工八千二百餘人

商七千五百餘人

地理

縣在省城西南四百九十里

縣附郭

東至頭台子一百五里廣寧縣界

西至湯河子二十五里錦西廳界

南至海四十里

北至齊家堡四十五里義州界

東南至白馬溝八十里廣寧縣界

西南至連山八十里錦西廳界

東北至迎仙鋪八十里義州界

西北至孟家屯四十里義州界

本境城外分為三十區 東面十四區

雙陽甸區距城二十里

大凌河區距城四十里

禿老婆甸區距城六十里

石山站區距城七十里

高峯區距城九十里在石山站北十二里

望山堡區距城九十里在三台子西北二十里

三台子區距城一百里在郭家屯三十里

大么台子區距城九十里在右屯衛北二十里

郭家屯區距城一百二十里在大么台東二十里

右屯衛區距城七十里

凌河堡區距城四十里在大凌河南十八里

豐樂鎮區距城三十里在雙陽甸東南十八里

安家屯區距城七十里在右屯衛東南二十里
夾信子區距城七十里在禿老婆甸南十五里

南面七區

松山區距城十五里

杏山區距城三十里在松山西南二十里

螞蟻屯區距城三十里在松山東南十五里

黑魚溝區距城三十八里在天橋廠東北十五里

徐夾河區距城五十里在右屯衛西二十里

天橋廠五十里在高橋南十二里

馬蹄溝區距城三十里在松山南十八里

西面三區

新民屯區距城十里

宋家溝區二十五里在新民屯北十三里

板石溝三十里在宋家溝西北十五里

北面六區

蔡家敵樓區距城二十里

流水堡距城二十里在流水堡西十里

薛家屯距城十八里在流水堡東八里

雉雞台距城二十五里在薛家屯北八里

葉家堡距城三十五里在雉雞台東南二十里

王善屯距城五十里在葉家堡北二十里

古蹟

徒河縣漢置晉廢慕容廆改置神水縣遼因之按明一統志設在廣寧

中屯衛境虞舜時已有此城今應在錦縣界舊址無考

遼西郡故城漢置隋開皇初置總管府統柳城縣大業初置遼西郡以地志考之在今奉天府城西四百餘里

邯鄲西郡都尉故城漢安帝時以為屬國都尉領昌遼賓徒河無慮險瀆房六城以地志考之在今奉天府西南四百六十餘里

興中縣 本唐柳城地南有凌河遼太祖置霸城重熙中改興中縣金因之元廢

永樂縣 本晉慕容皝西樂縣地遼置永樂安昌興城三縣隸錦州金因之元廢今其地在界內舊址無考

神水縣 遼置金皇統中廢為鎮大定二十九年復置縣隸錦州元何實與賊遇於神水挺身陷陣即此

開州城 城東北五十里有古開州城按遼金元三史此地俱無開州名或亦唐時遺址也

梳妝樓 在城西北三十里相傳蕭太后建今毀

廢中屯衛 後屯衛義州衛在城內明洪武二十四年置廣寧中屯衛今廢

廢左屯衛 在城內明洪武二十四年置廣寧左屯衛今廢

廢右屯衛 明洪武二十六年置初在十三山後徙城東南七十里今城毀

廢松山千戶所在城南十八里明宣德三年置在左屯衛境

千佛塔 在城內大廣濟寺前係唐時契丹國建塔座八面每面寬二丈高三級約三十九丈八角俱有本制鐵馬各面佛像最多故曰千

佛塔雖被風雨摧殘佛像猶存亦千古奇工也

普通塔 在城東關地藏寺後俗名和尚觀者上有石額曰普通塔戲

葉門兩扇中有神龕上有橫額曰曹溪正脈定達摩派義塔也不

知建於何年

古塔

在城外西南隅古塔寺院內八角七級不知建於何時約為蒙古人修建後因寺院殘破經南關大神廟道人化修遂經理之

祠廟

文廟在城南西北隅順治間建

文昌宮在城東南隅康熙間建

奎星閣在城牆東南隅康熙間建

厲壇北郊外設祭

旗纛廟西郊外行禮未設廟

城隍廟

鼓樓西北隅明洪武末年建嘉靖年重修今壇在南門外府縣同

府土地祠

府治大門內之右康熙二十二年知府孫成建雍正年移建大門之左

縣土地祠

縣治大門內之左

關帝廟

共十一處東關西關中街各一城東南七十里網戶屯一松山一塔山一

城西南五十里高橋東西各一城西二十里錦昌堡一城北二十里流

水堡三十里台大盛堡各一

柳城郡王祠遼壽隆五年為姚景行建今廢

忠義孝弟祠在縣學中雍正七年建

王將軍

祠明大凌河死難督學御史吳道昌為植碑匾曰精忠報國碑

半落失其名在南關後市人設廬其地未及改建

節孝祠

城西北隅雍正七年間建

大廣濟寺

在城內相傳肇建於唐寺內有白塔高十三層即千佛塔造於遼道宗清寧間藏皇后所降之舍利也金中靖大夫高種有塔記明嘉靖十一年重脩宣大巡撫文貴有碑記其事

觀音寺

在廣濟寺前

天后祠

在本城白塔後

興隆菴

城內一南關一城北四十里大業堡一

毘盧庵

在城內

玉皇廟

城內康熙八年建知縣郭茂泰有碑記

五聖祠

城內

馬神廟

二處城內一西關一

財神廟

四處城內二城東六十里張林堡一城東南三十里下五旗一

地藏菴

城東關

彌陀庵

城東關

觀音堂

東關一南關一

地藏寺

東關一城東二十里雙陽甸一城東南七十里右屯衛一城北四十里

藏家堡一

真武廟

東關一城南十八里松山一

玉皇廟

蝗神廟

東嶽廟

並在東關

娘娘廟

東關一城南五十里南鄉一城東北四十里魚子嶂一

白衣庵

火神廟 並在東關

龍王廟 南關一北關一城南三十五里螞蟻屯一

藥王神宮 西關

普濟庵

念佛堂 均在北關

三官廟 北關一城西南杏山一

朝陽寺 城東三十里興隆屯一東南十五里望海山一西北十八里懶漢山一

雙井寺 城東三十里白雲山

花園寺 城東九十里犁兒塔

杏花寺 一在城東一百里鐵場一在城北三十五里大茂堡西

興隆寺 城東一百里方家堡一城西南五十里新人屯一

長山寺 在城東南三十里長山

望海觀音廟 城東南四十里高廟子

右屯衛城隍廟 城東南七十里在衛城內

崇寘寺 城東南七十里右屯衛

寨子寺 城南九里寨子山

七聖廟 城南九十里王寶山屯

背陰寺 城南十里呂洪山後

千佛寺 城南十八里松山

大望海寺 城南九里松山之南古刹也明景泰中寺僧掘井得元至正

年銅鐘後修觀音閣掘地又得唐泰和四年勅賜松山法華

禪寺住持鈸磬等十餘事蓋唐時為法華後更望海寺

弘治間有重修碑記

嚴靜寺

城南二十五里牛心山西

元真廟

城西南四十里大興屯

普渡寺

城北三十里大盛堡

上帝廟

安樂寺

普濟寺

並在城北四十里藏家堡

石佛寺

在黃山坡前志云城北四十一里錦州府志云城西七里寺內左

有小山前石佛二十九山後石塔兩傍石佛各一石亦小山山前石

佛三十一山後石佛兩傍石佛亦各一又一寺在城東北五十里開州

嗟呀寺

在城東北四十里嗟呀山

峰巔寺

城東北四十里魚子璋前大蛤蜊河繞之

淨勝寺

城東北五十里開州

觀音寺

城東北六十里高家堡

鐘鼓樓

在四街之中高與城等二級上一層鐘一鼓一夜報更點若有

火災以東三西四南五北六鐘點別其方向樓分四面東曰皇恩

沿蕩西曰萬國咸寧南曰四海升平北曰八方安泰

坊表

德政碑三

前錦州府知府張樾一在東關

前本縣知縣何厚琦一在東門一在西關水行

烈婦碑一

蔡如春妻齊氏一在東門外

烈女碑一

王百齡女名鎖陽

橋梁

小凌河橋 西關張才二姓建今廢

雙陽店橋 城東二十里亦名小凌河橋今廢

十三山站橋 城東八十五里今廢

利涉橋 城東南三十里在星聚屯康熙十六年建今廢

高橋 城西南五十里今廢

葛王碑橋 城北十八里

市鎮

大凌河城 城東四十里明大凌河所城地建置之年無考現城已廢基存

十三站城 東七十里建置之年無考現在城廢基存

小凌河城 城東南十八里建置之年無考城今廢

右屯衛鎮 城東南七十里明永樂中指揮徐琦李通築城今按其城週圍

四里二十步惟餘土基池淤俗訛為牛頭衛

松山城 城南十八里明設千戶所城毀地基三里一百二十步門三西曰建威東南

二門無字明高邦佐死節於此其僕高厚殉焉

杏山城 城西南三十里已毀城基二里一百六十步東西二門池淤

沙河堡 城西北十八里週圍一里二百八十步南一門

大勝堡 城北三十里週圍一里四十七步東一門

大業堡 城北三十五里週圍一里一百步東一門

流水堡城東北二十里週圍二里三十四步南一門

營城子城城東北三十里週圍一里六十步南一門

石家堡城東北四十里週圍一里一百二十步以上五堡一城基皆廢

餘家屯鎮城東北四十里

開州城東北五十里廢基週圍一里

天橋廠城城西南六十里週圍一里南一門建置之年無考今圯即西海口也

設巡檢一員

東海口在城東南四十里小凌河入海處小商船逆流而上出口貨以紅糧

小米皮張為大宗名曰小馬蹄溝

西海口在城南七十里天橋廠古城二里海口有天橋山筑篤山對峙

如門商船雲集出貨以黃豆綠豆藥材為大宗名曰天橋廠海口

學堂

中學堂一處在城內其經費由舊有之學租開支不敷之處另行籌撥

師範簡易學堂一處在城內其經費同上

勸學所一處在城內其經費由車捐項下撥用

八旗兩等小學堂一處在城內其經費係八旗公籌

模範小學堂一處在南關其經費由車捐項下撥用

四鄉小學堂五十三處其經費由四鄉畝捐項下開支

警務

警務局一處在城內城關分四區其經費由車捐商捐及各項雜捐開支不敷

之處由地方官籌墊

巡警教練所一處在城內其經費同上

四鄉巡警分五區分派四十七處所其經費由四鄉畝捐項下開支至畝捐一

項以八成作四鄉警餉以二成充四鄉學費其舊有之團

練自光緒三十三年十二月設巡警以來業已一律裁撤

本縣八景

紫荊朝旭

紫荊山名城東二十里尊嚴高大山之東南曠遠濱海得日最早故曉日初出其景異常可觀

虹螺晚照

虹螺山名城西六十里有大小之分別大虹螺山週圍五十餘里高五里許金時置虹螺寨今城基廢小虹螺山週圍三十里上有如來

殿觀音寺七里河發源於此向晚日光耀其景異常可觀現歸

錦西廳界

凌河烟雨 凌河即城邊小凌河也其烟雨之景如畫

石礮松雪 觀音洞山城西八里有東西二洞洞有石礮上下左右多松雪後

之景異常

筆峯插海 城西南六十里有大小筆架山峙海中潮至四面皆水望其峯尖如

筆插海中也

錦水迴紋 錦水即小凌河水之中央其紋迴環可觀

寶塔昏鴉 寶塔即城中大塔也每日落時群鴉飛鳴環集無數

湯河冬魚 城西三十里源出鷹窩山南此河至冬不封故魚常跳躍現歸錦西界

山

紫荊山 城東二十里尊嚴高大為郡之主山頭道河二道河流繞山西而過

石家嶺 城東二十里

饅首山 城東二十五里

馬鞍山 城東二十七里

白雲山 城東二十五里 山上有聚仙寺 左井右泉 士人以雲氣候陰晴頗驗
今寺井皆廢

毛家峪 城東三十里

磨盤山 城東三十里

游家山 城東三十五里

九華山 城東四十里 東二里一小山亦名九華

珠子山 城東四十里

龍灣山 城東四十五里

團山 城東四十八里

十三站嶺 城東六十九里

十三山 城東七十五里 高一里餘 週圍二十餘里 峰有三胡 嶠北征記東行

過一山名十三山 又遼史燕王淳討武朝彥至乾州十三山 金蔡珪
詩閭山盡處十三山 皆此山也 上有潭 其下有金牛洞 據五代史

嶠自福州東行過一山名十三山 西南去幽州二千里 今錦縣十三山

去京師僅千餘里 前志以嶠所記即此山者 恐誤

洪寺山 城東八十里

亂峰山 係在城東南十五里 望海有朝陽寺 今只存一碑 小凌河繞山下

東王寶山 係在城東南二十五里

卧龍山 城東南二十七里 坡陀盤屈狀類牛眠 俗又呼卧牛山

長山 城東南三十里 自此綿亘而南四五里 峰巒斷續 四山錯列 皆為

長山 上有長山寺

鷹帽山 城東南三十里

莽牛山 山麓挿海小凌經其陰

朝陽山 下有朝陽寺俗呼王麻子溝以上三山並在城東南三十五里

平山 城東南五十里一名團山上有土城城南有望海朝雲寺

寨兒山 係在城南九十里

呂洪山 城南十里週圍四十七里高二里許山上有洞

松山 城南十八里舊松山所城在其西明高邦佐死節於此其僕高厚殉焉

牛心山 城南二十里

石灰窰山 城南二十五里

馬鞍山 城南二十五里

空心臺北山 係在城南三十五里

三角山 係在城南三十七里

西王寶山 係在城西南二十里

觀馬山 城西南三十里舊杏山城在其西一名關門山

磨盤山 城西南四十里

白馬溝山 城西南四十七里

海雲山 係在城西南五十五里海雲山上有海雲寺

小筆架山 峙海中狀如筆架潮至時四面皆水潮退見天橋濶三丈長三里

許可通車馬山上有長元寺正西有一泉味甘山南有洞

大筆架山 峙海中狀如筆架潮退見天橋濶八丈長四里許為昔人避兵

處上有朝陽寺多颶風屋瓦輒飄去今存空堵

懶漢山 城西北十八里

孤山城西北二十里

馬家山城西北二十里

石哈礮山城西北二十里

莽牛嶺城西北三十里

二郎洞山山有五洞洞東北一潭深丈許其東一泉上有玉皇閣彌陀閣望

海觀音閣惟觀音閣最高東見十三山西見壺蘆島南見大

小筆架山下則錦水凌川旋其左右

觀音洞山在普陀寺後雄秀奧折東西二洞甚高廣有大士閣東北岩下

有龍湫四時不涸

小洞山以上三山並在城北十五里

小洞寺山洞內有石佛

蔡家滴樓山

温家滴樓山以上三山並在城北二十里

青石台山

岩靜寺山上有洞中有石佛

牛心山以上三山並在城北二十六里山西有岩靜寺寺前後有桃花遊者甚眾

亂石山二道河發源於此在城北四十里

啞叭石山高三十餘丈週圍二里餘數峯插雲其山峯後有澗深不可測山

上有石柱九楹相傳遼蕭太后梳妝樓故址山東面有石佛二尊

龍嘴山頭道河發源於此以上三山皆在城北三十里

驢耳山上有驢耳寺

龍頭山有二洞若眼下有龍湫

杏花寺山 以上三山並在城北三十五里

翠巖山 城北三十六里

雙井寺山 城北四十五里有洞為大士龕東西有二井

營城山 在城東北三十里

礮子山 城東北三十里

窟窿山 城東北三十五里

雞冠山 城東北三十五里

半壁山 城東北四十里

嵯岬山 城東北四十五里

千家寨山 出白石可作碑在城東北四十五里

望高山 山前有老虎洞在城東北五十里

黃山城 東北五十五里

水

小凌河 在本城西南關外發源於朝邑黑山之陽由錦西廳東流入境經西南

流繞錦城西南關外又名錦川經紫荆山下女兒河二道河合滙南流而

入海流域里程一百二十餘里

大凌河 在城東四十里發源於朝邑黑山之陰由義州南流入境至右屯

衛折而東流入海流域里程一百三十餘里

枯凌河 城東南四十里即大凌河故道分流至柴火溝東入海旱則水乾故名

七里河 城西南四十里自小虹螺山發源東南流至四方台東折西南入海

女兒河 城西六里源出邊外由新台門北六里入縣界東流遠呂洪山與小凌

河合流入海

二道河 城東北十二里源出境內亂石山經紫荆山西入小凌河合流入海

頭道河 城東北十五里源出境內龍嘴山經紫荆山西與二道河合流小凌河

二即洞泉 城北十五里在洞之東

水泉子 城北二十里

道路

東

方

出城十里百股河屯即二道河眾水會流俗云百股河逾紫荆山又十里雙陽店又十里逾白雲山又十里大凌河向鎮逾大凌河又十里

黑土坑又十里禿老婆甸又十里石山站經十三嶺又十里望山堡經十

三山又十里四台子又十里二台子又十里呂陽驛接廣寧界

西

方

出城十里十里台又十里西羊圈子經紅草山磨盤山南有女兒河又五里至湯河子接錦西廳界

南

方

出城三里渡小凌河女兒河逾呂洪山桃園屯又十里回子溝逾牛心山石灰窰山又十里張台子逾馬鞍山又十里杏山屯又十里經三角山

空心台三道堦又十里至海南界止

北

方

出城十里逾亮馬山口亮馬山屯逾二道河又十里葛王碑屯又十里雉雞台屯逾翠岩山台子山又十里沙河營又十里經鷄冠山

十五里屯

本境驛路一條自城西錦西廳境高橋入境至城東呂陽驛出境過境一百六十

里舊有站夫早已裁去現有文遞均歸文報局

商民大路八條

正東至石山站距城七十里

正西至湯河子距城二十五里

正南至松山距城十八里

正北至富有庄距城十五里

東南至右屯衛距城七十五里

東北至餘積屯距城七十五里

西南至七里河子距城五十里

西北至戴網戶屯距城五十里

郵路

縣境郵局設本城南街西接寧遠州界上站東接盤山廳界下站北接義州界旁站分局二處一在城西南天橋廠一在城東大凌河甸

航路

縣境大小凌河因水淺均不便行船東南瀕海有海口二一曰東海口在城東南距城四十里水淺不便行船一曰西海口在城西南距城七十里水量較深輸運貨物尚稱便利惟口岸未修輪船不能出入來往船隻僅有帆船而已

電綫

縣境電綫計分二道一為京奉電綫自城西女兒河入境依鐵路而行至城東羊園子出境一為錦義電綫自本城向北直達義州

鐵路

縣境所經鐵路即京奉鐵路由城西羊園子站入境經錦州站雙陽店站大凌河站石山站至東羊園子站出境計長一百十里

動物產

蝦

出穀曰蝦米通行各省大者長數寸合配曰對蝦小者曰金鉤蝦

蟹

出海中逢立夏至小滿多而且美逾時則不見矣

煙

蚌之屬出海濱水泥間內在殼中上分兩歧一長一短與月消長乾為海錯通行各省

植物產

穿睛魚 出小凌河以時入貢俗言此魚一目能通左右故名

稷

禮記曰明粢今呼糜子晚種早熟邊地尤宜

黍

稷之粘者今呼黃米可釀酒

蜀

黍種始自蜀今呼高糧土人率多飯此

粘蜀

黍一種殼黃一種殼黑與蜀黍無異但性粘耳

粟

古以米之有殼者為粟今以殼之細而圓者為粟即今之小米也

脂

麻俗呼芝麻

大

豆黑白黃青諸色

小

豆有蠶白赤黃黑數種

蒜

有紫皮白皮二種

秦

椒生青熟紅味極辛土人多食之又名花椒

羊

草蓄之可飼牛羊

棉

花

鑛物

產本境有煤鑛二三處因苗質不多尚未開辦

金石類

錦川石 琢石烟嘴通行各省惟此石寔產於廣寧境內

動物制衣造產

皮箱帽盒靴鞋均以牛皮作之

毡毯

以牛馬羊毛作之

絨

毡以羊絨作之

靴

靴以牛皮作之

皮

裘以羊羔皮作之

皮

褥有狼犬二皮

蝦

蝦醬蝦油此蝦出蓋平運至本境作之

膠

以諸獸皮熬成

植物

制衣造產

黃

酒黃米釀之黃米即黍也

燒

酒高粱作之高梁即蜀黍也

香

油脂麻作之即俗呼芝麻

豆

油黃豆作之

毛頭紙

以廢繩亂麻醞釀抄之

豆

餅即豆油滓也

商務

在本境銷者

紅糧在本境銷行每年約十萬石上下

黃豆在本境銷行每年約一萬餘石

芝麻在本境銷行每年約一二千石

燒酒在本境銷行每年約五十萬斤

鹽在本境銷行每年約七八千石

運他境銷行者

小米以海船火車運往山東直隸銷行每年約十餘萬石

燒酒由火車旱車運往新民屯田莊台寧遠州銷行每年約十數萬斤
黃米以海船運往烟台銷行每年約一萬餘石

毡鞋由火車運往奉天吉林關內銷行每年約十餘萬雙

猪鬃由火車運往天津上海銷行每年約二萬餘斤

紅糧以火車海船運往直隸山東等省銷行每年約十餘萬石

蝦瓜蝦醬由火車運京津吉林銷行每年十餘萬斤以馱騾運邊外銷行

每年十數萬斤

棉花以旱車運往吉林省銷行每年約十餘萬斤

鹽由旱車運至邊外銷行每年約一萬餘石

由他境運至本境銷行者

大米以火車火輪由上海天津運至本境銷行每年約一萬石

小麥由直隸哈達吉林水陸運至本境銷行每年約二萬餘石

藥材由祁州營口運至本境銷行每年約三四萬斤

白糖由福建水路運至本境銷行每年約六七十包每包重一百四十斤

紅糖由烟台水路運至本境銷行每年約一萬餘包

茶葉由天津營口裝火車運至本境銷行每年約五六千件每件七十斤

布疋由上海天津營口水旱運至本境銷行每年價值銀元約十餘萬元

牛皮自哈達旱路運至本境銷行每年約二三十萬斤


瓷器由甯波營口水旱運至本境銷行每年價值銀元約十餘萬元

鐵器由山西旱路運至本境銷行每年價值銀元約十餘萬元

木料由安東縣火東溝船運至本境銷行每年約五六千料

紙張由烟台甯波水路運至本境銷行每年價值銀元約二三萬元

烟葉由吉林陸運至本境銷行每年約二十餘萬觔
煤油由烟台水運至本境銷行每年約一萬餘箱



宣

統



日

呈